



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Conversio Peccatoris, Seu Modus quo Peccator
communiter resurget ad justitiam.**

Lefelon, Antoine

Bruxellis, 1675

Caput XIX.

urn:nbn:de:hbz:466:1-9433

CAPUT XIX.

An huic Sacramentalis absolutionis dilationi aliquid officiat locus Matthæi c. 18.

MUltum adversus hanc Sacramentalis absolutionis dilationem urgeri solet, & movet non paucos, quod Matth. 18. interroganti Petro quoties peccanti in se fratri dimitteret; usque septies? respondet Salvator: non dico tibi usque septies, sed usque septuagesis septies: certum hic numerum posuit pro incerto, quasi diceret; semper fratri volo dimitti; ex quo confici volunt Sacerdoti incumbere toties quoties id requirit pœnitens, ipsum absolvere.

Verum debile hoc est argumentum: instruit enim hic C H R I S T U S, ut ex sequenti patet parabola, non confessarios sed omnem hominem, singulis præcipiens, injurias sibi à proximo illatas ex corde dimittere, non solùm internâ offendæ vindictæquè remissione, ad quam semper quisque paratus esse debet, ut erga quoslibet teneatur in secreto animi (ut lo-
Epist. 5. quitur Augustinus) patientia cum benevolentia, sed & externa simul receptione in gra-

gratiam , quæ rogantibus fit & necesse est fieri ab his, qui exaudiri volunt dicentes : *dimitte nobis debita nostra , sicut & nos dimittimus debitoribus nostris* : id est , ait idem Augustinus , *sic dimitte debita nostra rogantibus nobis , sicut & nos dimittimus rogantibus debitori- bus nostris* : *Nunc autem non eâ facilitate licet confessario ad remittendas injurias Deo factas Sacramentalem absolutionem impendere , quâ quisque potest & debet injurias sibi illatas dimittere.*

In privatis quippe offensis non semper expectanda est vera cordis conversio : imo nec qualiscumque facti pœnitentia: nam *humilitas* est , ait quidam , *si quando peccaverit in te frater tuus , antequam illum pec- casse pœniteat , dimiseris illi.* Hoc tamen confessario imitandum nemo dixerit , qui *illum tantummodo solvere potest* (uti ex B. Laurentio Justiniano dictum est) quem introrsus per compunctionem sive compunctionis indicium , vivificatum à Deo (hoc est verè conversum) esse deprehenderit , nam & Deus cuius hic iudicium indicat , ut cum Augustino dicam , *non conversis peccata non donat : cum ipsa remissio peccatorum , non nisi in conversione cordis sortiatur effectum in illis dumtaxat , qui propriæ voluntatis utentes arbitrio*

mi ali-
Sacra-
ilatio-
et non
roganti
limit-
r : non
Septies:
certo,
mitti;
icum-
itens ,
itum:
uti ex
fessa-
præ-
tas ex
nâ of-
quam
ut er-
ut lo-
enevo-
ne in
gra-

arbitrio divini munera opitulatione conversi mutata in melius vitâ non desistunt ad poscendam remissionem peccatorum currere.

Nihil est ergo quod num. 283. objicit Appendix: an Deus fortè minus misericors est quam homines, ut non possit vel nolit toties ignoscere? peto an mihi septies per diem dimitenti fratri, Deus non dimittet? negari non potest.

Nempe si verè & ut oportet conversus fueris. Nam qui dixit: *Dimitte & dimitti-
mini: & in qua mensura mensi fueritis, reme-
tietur vobis, ipse & dicit: Si pænitentiam non
egeritis, omnes similiter peribitis.* Ad hoc pro-

Luc. 13. v. inde Dei Sacerdotem, qui, ut ait Chrysostomus, *peccata in Deum solvendi potesta-*
ad pop. l. 3. *tem accepit*, sive ut idem alibi: *cui anime*

*sordes non dico purgatas probare, sed purgare
prorsus concessum est.*, oportet attendere, hoc est, an debitè & ut oportet, qui se solvendum offert, pæniteat; cum nisi verè pænitentis nec peccata solvat, nec sordibus animam purget: ac propterea ut pænitentes à non pænitentibus discer- nat, datæ sunt ei claves Regni cœlorum:

Serm. 96. *Sunt enim hæ claves*, uti ait Bernardus, *pote-*
stas aperiendi & claudendi, atque inter exclu-

Opus. 5. *dendos & admittendos discretio:* Sive ut S.
Thomas, *Auctoritas discernendi & potestas ju-*
dicandi. §. I.

§. I.

*Quâ ratione Dei misericordia ergâ peccatores
sit adeo magna.*

QUOD verò Dei misericordia obtinetur, illa procul dubio etiam ergâ peccatores est maxima; dum tot ingratis & sui contemptoribus bonitatis suæ dona non substrahit, quibus indesinenter esse influit, illudque conservat; quos pascit & nutrit; quibus solem suum oriri facit, eisque multipliciter benefacit de cœlo: dum non ex aliena lege, non ex sui necessitate aut indigentia, non ex alicujus debito, quos justè damnare potest, tamen patienter eos sustinens, & partibus judicans dat locum paenitentiae: dum ipsos à se recedentes & fugientes, nec reverti volentes misericorditer præveniens admonet, & alloquitur: *ut relictâ malitiâ credant in se Dominum;* dum converti incipientium pios conatus quos ante immerentibus infuderat, amplioris gratiæ dono adjuvat & aspirat: dum eos *adhuc longè existentes* Luc. 15:4 ut Pater videt, & misericordiâ movetur: dum denique eos conversos benignè suscipit, & peccata donans, citò proferri jubet stolam primam. Hæc magna Dei est

obji-
is mi-
possit
i mihi
Deus
versus
mitti-
reme-
um non
c pro-
Chry-
votesta-
anime
burgare
idere,
qui se
m nisi
, nec
pterea
liscer-
orum:
, pot-
exclu-
ut S.
tas ju-
§. I.

est misericordia superexaltans judicium.

Hoc tamen , ut notat Augustinus , ab il-

In Psal. 32. la separari non potest : *Omnipotens est Deus,*

Conc. 1. *inquit , nec in misericordia amittit judicium ,*

nec in judicio misericordiam : Miseretur enim ,

considerat imaginem suam , fragilitatem no-

stram , errorem nostrum , cœcitatem nostram : &

vocat ; & conversis ad se donat peccata , non con-

versis non donat.

Hoc modo Dei misericordia consideranda est , ut illi quis ordinatè confidat :

In l. 1. reg. *De omnipotentis etenim Dei misericordia , ait*

l. 2. cap. 4. *magnus Gregorius , ordinatè confidit , qui*

hoc quod peccando deliquit , pœnitendo corrigit ,

fleendo tergit : Propter quod alibi monet :

Ibid. lib. 3. *Sic peccatores de Dei misericordia præsumant , ut*

cap. 5. *tamen id quod se nequiter egisse recolunt , per pœ-*

nitentiam delere non negligant.

In cap. 3. *Hinc rectè Hieronymus : Libenter Deus*

Hierem. *suscipit pœnitentes , & occurrit filio inopia &*

squallore confessio , statim induit pristinis vestibus ,

& reddit gloriam revertenti , itadumtaxat ut re-

vertatur in ploratu & ululatu.

In cap. 55. *Propter quod monet alibi : Nec satis est*

Isai. *querere Dominum , & dum pœnitentia tempus*

est invenire , atque invocare eum dum prope est ,

nisi reliquerit impius vias suas pristinas & cogi-

tationes antiquas , quibus à Domino declinave-

rat . Tunc enim revertemur ad Dominum qui

misere-

misererebitur nostri, & ad clementissimum Patrem, qui multus est in misericordiis & facilis ad ignoscendum, cum cogitationes & vias pristinas reliquerimus, ut postea mereamur audire: Beati quorum remissae sunt iniquitates & quorum recta sunt peccata: dum enim hoc modo veraciter ad Deum quis convertitur, nulla peccatorum magnitudo, nulla relapsus frequentia ejus misericordiam arcere potest aut indulgentiam avertere. Ad omnes Ezech. c. 18
quippe hic degentes pertinet, quod dictum est: v. 21. 22. si autem impius egerit pœnitentiam ab omnibus peccatis suis, quæ operatus est, & custodierit omnia precepta mea, & fecerit judicium & justitiam, vitâ vivet & non morietur: omnium iniquitatum ejus quas operatus est non recordabor: in justitia sua quam operatus est, vivet: Hinc verum est illud Augustini, perfecta nostra conversio paratum invenit Deum: & S. Leonis post ipsum: misericordiae Dei nec Epist. 91, mensuras possumus ponere nec tempora definire, apud quem nullas patitur veniae moras vera conversio: ut proinde, non obstante qualicunque relapsu, verus pœnitens dum se verè pœnitere ostendit & aliud non suadet medicinæ curatio, semper sit Sacerdoti absolvendus.

Hoc modo præsens C H R I S T I responsum & confessariis accommodari potest:

240 C O N V E R S I O

test : nam verè non usque septies, sed se-
tuagesies septies , hoc est, toties quoties
quis lapsus fuerit , & eum ut oportet lap-
sus sui pœnituerit , est absolvendus. Ve-
rūm dum hæc ejus pœnitentia ambigua
est & nūlla premit necessitas , non rectè
illi absolutionem differri , ut hinc magis
sollicitus , perfectius conetur resurgere,
ex istis CHRISTI verbis , quomodocum-
què quis ea accipiat , nec apparenter po-
test deduci : uti nec tum non posse differ-
ri, cum licet pœnitens absolute existima-
tur conversus , nonnulla tamen dilatio
curandæ ejus infirmitati , uti id superiori
capite ex Cardin. Lugo est expositum,
judicatur expediens : nam & in privatis
sustinendis & remittendis injuriis hic
modus servandus est , *ut teneatur in secreto*
Epist. 5. animi , ait Augustinus , *patientia cum bene-*
volentia , *in manifesto autem id fiat quod eis*
videtur prodesse posse , *quibus benè velle debe-*
mus.



C A-